


Poslanica u Predstavničkom domu
Parlamentarne skupštine Bosne i Hercegovine
Sarajevo, 09. mart 2020. godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-03-2020			
Organizaciona jedinica	Klasifikaciona oznaka	Redni broj	Broj priloga
01	50-1	618	20

PARLAMENTARNA SKUPŠTINA BOSNE I HERCEGOVINE

PREDSTAVNIČKI DOM

n/r Denis Zvizdić, predsjedavajući

PREDMET: Poslanička inicijativa

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

INICIJATIVU

“da se uspostavi mehanizam za razmjenu podataka iz elektronskih baza Matičnih registara Republike Srpske, Federacije BiH i Brčko distrikta u kojima se vode lični podaci građana, s ciljem bržeg i efikasnijeg pribavljanja lične dokumentacije, odnosno da se omogući građanima da u svojim općinama mogu dobiti izvode iz matičnih registara, kao i sva potrebna uvjerenja.“

O b r a z l o ž e n j e


Na regionalnoj konferenciji o pristupu ličnoj dokumentaciji i građanskoj registraciji u Jugoistočnoj Evropi koja je održana u Podgorici 25.10.2013. godine, Evropska komisija, Visoki komesar za nacionalne manjine Organizacije za sigurnost i saradnju u Evropi i Visoki komesar Ujedinjenih nacija za izbjeglice dali su preporuke Vijeću ministara BiH, među kojima je i preporuka da se uspostavi mehanizam za razmjenu podataka iz elektronskih baza podataka na

svim nivoima (države, entiteta i distrikta Brčko) u kojima se vode lični podaci građana, a u svrhu bržeg i efikasnijeg pribavljanja lične dokumentacije koja je otežana usljed migracija stanovništva.

Također je data preporuka da se unaprijede, razvrstaju podaci prema spolu, dobi, socijalnom statusu ili drugim kriterijima s ciljem osiguranja efikasnog osmišljavanja politika. Kao što je poznato rješenje nedostataka vezanih za tačnu i potpunu registraciju građana i sigurnost ličnih dokumenata je jedan od ključnih uvjeta u okviru puta zemalja kandidata za članstvo u Evropskoj uniji.

Stoga, Vijeće ministara, odnosno Ministarstvo civilnih poslova BiH treba inicirati i insistirati na povezivanju matičnih regisatara Republike Srpske, Federacije BiH i Brčko distrikta kako bi se razmjenjivali međusobni podaci i olakšalo pribavljanje ličnih dokumenata za građane, odnosno kako bi građani u svojim općinama mogli dobiti izvode iz matičnih knjiga i potrebna uvjerenja.

Edita Đapo, poslanica

A handwritten signature in black ink, appearing to read 'Edita Đapo', with a large, sweeping flourish extending to the right.